

Augusti proxime sequentis, quem diem inchoandæ Diœcesanæ Synodi certum indicimus, summo mane, in Capellam Majoris Seminarii nostri conveniant: nisi forte legitima causa, quam Nobis probare debent, impediatur. Inde autem cum convenerint ne cuiquam ante ipsius Synodi finem discedere liceat, nisi missione à Nobis impetrata. Monemus præterea omnes et singulos ut memores ejus quod dixit Apostolus, de seipso aliisque Christi ministerio mancipatis loquens, *Christi bonus odor sumus in omni loco*, tum in itinere quod hujus Synodi causa suscepturi sunt, tum in urbe nostra Episcopali, et quolibet alio loco, cum frugalitatem, modestiam, gravitatem in verbo et conversatione servant, quæ decet ministros Christi et dispensatores mysteriorum ejus, ac denique in omnibus ordinem à Nobis præscriptum teneant, qui ab ipsis Synodi officiariis nostro nomine illis significabitur.

Ut vero Synodalis hæc actio, Dei ope et auxilio, felicius pro ejus gloria et animarum salute succedat, edicimus ut post indictionis hujus promulgationem, in omnibus urbis et Diœcesis nostræ Ecclesiis et Capellis seu publicis oratoriis, quinta cujusque hebdomadæ feria, quoad ipsa Synodus absoluta et dimissa sit, missa de Spiritu Sancto ab omnibus et singulis Sacerdotibus celebretur; aut saltem ipsius Sancti Spiritus in ea fiat specialis per orationem ad id propriam, ante Orationem *contra persecutores Ecclesiæ* jam præscriptam, commemoratio et invocatio. Ac præterea ut ab ipsis Parochis cæterisque supramemoratis moneantur et excitentur fideles eorum curæ commissi, quatenus piis precibus ad Deum fuis, ac etiam digne perceptis Pœnitentiæ ac Eucharistiæ Sacramentis hoc ab ejus misericordia impetrare studeant, ut ea quæ muneri nostri sunt in hac Synodali actione exequentes, largiorem divinarum gratiarum communicationem Nobis et iis omnibus quorum custodia Nobis demandata est, obtinere valeamus.

Datum apud Sanctum Timothæum, inter Pastoralis